

中國香港特別行政區無人機競速代表運動員授旗儀式@ 東區

民政事務總署 Facebook Page 2023-09-15

<https://www.facebook.com/100082148508187/posts/pfbid04VoicNUFbKw7QMmNuT7jeMYUueCjQbD82DZ7MXrPrY2s4kSi2WgFdMAhTpfw65XCl/?d=n>

【中國香港特別行政區無人機競速代表運動員授旗儀式@東區】

國際航空運動聯合總會 (FAI) 主辦嘅世界無人機運動錦標大賽，10 月會喺韓國南原市舉行。比賽項目包括競速無人機 (Drone Racing) 及無人機足球 (Drone Soccer)，係香港首次派運動員參與嘅最大型無人機國際賽事🤖。

自無人機運動項目近年興起後，東區民政處就聯同中國香港無人機運動總會 (HKDSA) 積極推動呢項新興運動🚀！東區學校聯絡委員會亦同東區民政處由 2021 年起合作，喺地區層面推行「東區無人機運動推廣計劃」🛩️，其中有幾位東區嘅同學非常榮幸獲得機會成為今次 FAI 世界無人機運動錦標大賽嘅香港代表運動員👏，參加無人機足球賽項目。🎮

HKDSA 尋日 (15/9) 就喺北角社區會堂舉行香港代表團授旗儀式，象徵由東區出發。儀式由體育專員黃德森、東區民政專員陳尚文及港協暨奧委會義務副秘書長黃寶基主持，嘉賓授予香港特區區旗畀參賽嘅香港代表運動員，同大家一齊見證呢個重要歷史時刻🕒！

❤️我哋衷誠祝願香港代表運動員取得好成績🏆並同其他國家運動員切磋交流🤝，透過比賽促進友誼👉。

[#無人機足球](#) [#無人機競速賽](#) [#東區民政處](#) [#中國香港無人機運動總會](#) [#出戰國際賽](#) [#中華基金中學](#) [#蘇浙公學](#) [#促進友誼](#) [#FAI 世界無人機運動錦標](#)



